

Greenland Oil Spill Response

Aqqusinersuaq 48A · P. O. Box 4051 · 3900 Nuuk · Greenland
Tel.: (+299) 325 245 · e-mail: lbw@gosr.gl · www.gosr.gl



Rastofstyrelsen
Postboks 930
3900 Nuuk

04.01.2016

Citronen Fjordimi Ironbarkip Zinkimik Aqerlumillu pīaanissamut qinnuteqaataanut VSB aamma VVM pillugit nalunaarusiaanut tusarniaassutigineqartunut akissut

Greenland Oil Spill Response (GOSR)-p Citronen Fjordimi Ironbarkip Zinkimik Aqerlumillu pīaanissamut qinnuteqaataanut atatillugu VSB aamma VVM pillugit nalunaarusiai tusarniaassutigineqartut soqutiginningaarluni misissorsimavai.

Suliniutip ilaa aatsitassamik umiarsuarmik assartuussilluni ingerlatsisarnissamik pilersuinermillu assartuussisarnissamik ilaqarpoq soorlu VVM-mi ima allaqqasoqartoq: ”*Umiarsuarmik ingerlaartoqartassaaq imartatigut annerusumik minnerusumilluunniit sikunikukkut..... umiarsuit ajutoorsinnaanerannik aarlerinartortaqsinnaasutigut. Umiarsuarmillu assartuummik (imerpalasumiinngitsoq assartuutaasoq) ajutoortoqariataassappallu, uuliaarluernissaaq aatsitassamillu akuiarneqarsimasumik imaanut aniasoortoqarsinnaavoq imaani avatangiisinik mingutsitsinermik kinguneqartumik. Tamannalu imaani avatangiisinut uumasuinullu annertuumik ulorianartorsiorititsisinnaavoq. Umiarsuullu ajutoorneratigut annerpaamik avatangiisinut sunniisinnaasoq tassaavoq uuliamik aniasoortoqassagaluarpat. Avatangiisini nillertuni uuliap kigaatsoralaarsuarmik nungukkiartortarnera peqqutaalluni sivirusumik atasussaassaaq. Issittumilu atugassarititaasut tunngavigalugit suulluunniit pissusissamisoorumik aaqqeeqqinniarnertit ajornakusoortupilussuusarput (VVM qupperneq 192).*

Suliniutinut taamaattunut tunngatillugu aarlerinartortaasinnaasut pillugit naliliineq GOSR-ip paasinnittaasianut naleqquppoq, soorlu Citronen Fjordimi suliniutitut siunnersuutigineqartumut tunngatillugu, aamma GOSR pilersinniarlugu Inatsisartut Inatsisaannut nr. 4, 4. juni 2012-meersumut eqqarsaatigineqartunut tamanna aamma taamaappoq.

Siunissamilu suliniutip ilaani uuliaarluertoqarsinnaanerannik attuumassuteqartunut upalungaarsimanissamik pisariaqartitsinertalinnut akuutinneqarnissarput GOSR-imit naatsorsuutigaarput taamaalilluta issittumi avatangiisit malussarissut pitsaanerpaamik qulakkeerneqarnissaat pisinnaammat kiisalu Namminersorlutik Oqartussat aatsitassanut inatsit tunngavigalugu akuersissutinik tunniussaannik piginnittuulersunut inatsisitigut piumaqaataasunut qulakkeerinneqataanissaaq pisinnaassammat.

Inussiarnersumik inuulluaqqusillunga/Best regards

Lonnie Bogø Wilms
Managing Director

